

T 5453/4101

3

0
CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 29 1941

3

豐草菴詩集目錄

登峰編

登峰變 雒陽變 蜀錦變 飛魚變 寶

鏡變 握籌變 畫樹變 採茶變 博山

變 雨登靈巖山 重至靈巖呈夫山和尚

遊仙詩 山行 石馬烟謠 讀列子

懊惱歌 從軍行 昭君詞 王孫遊 續

子夜歌 秋胡行 有所思 放遊 住菴



病中喜西溪客至 憶張非翁 暮春讀

後村落梅詩因賦一律 秦吉了 蛺蝶花

續夢中句 咏古劍限韻 曉坐 池上

與人論詩 看園丁理菊 次韻荅姚文

初 咏懷用韻三首 寄西溪授經客 非

烟頌 水際芙蓉 咏古錢 題畫 紫牡

丹 吳興漁人教子謠 夢華潭雜事 樵

見呈史測因示 懺聽雨 掃石吟 夢華

潭謠 雨謠 鳩喚雨 追記靈巖禪堂事

病中聞煎茶聲 同竟孚傷持訥翁 述

愁 感懷 鼠損璇璣卦圖客為余補之是

日大雨 與友人雜論律曆聲詩時友人有

種菊新咏因用其韻 再和 讀書曉寒樓

上 村居述 秋齋獨坐喜友人忽至 示

樵兒病中 縛帚 讀友人近集 九月朔

未兒呈吟課 落日 夢侯幾道 重九竟

孚別去約冬盡相見先期而至驚喜有作

非翁擬遷溇上詩以促之 荅吳門金孝章

南村秋鬼謠 少時遇海上楊材官說邊

事歷歷甲午秋與竟孚試茗憶一二事 述

與西溪客語 閒居 霜曉拈三韻課兒為

唱一首 疊前韻示樵兒 又疊前韻示未

見 甲午冬日兒輩集豐草菴演四聲葉子

得登字 復用前韻 兒輩重集豐草菴

咏四聲葉子分得廿六宥 夜坐聞空中環

珮聲 甲午冬復擬遠遊 雪山咏 莫履

水

豐草菴詩集

吳興董說若雨著

登峰變

傷易學
不明也

哈佛大學東亞圖書館珍藏印

甲午

登日觀峰鷄鳴海豁九點古煙青若黛潑天地轉
震圖扶桑萬年活堯亦不能栽紂亦不能奪古箋
爻者編摩今闡易者執戈黃鍾十二雄管訛羈勒
飛龍奈爾何

雜陽變

傷周禮
滅裂也

擬踏雜陽道慟哭周公臺路遠不可到執卷有餘
哀執卷餘哀西漢文衰考工補闕稱禮師琵琶玉
磬元聲離元聲離公知之請奠椒漿酒古曲奏哀
絲誰明六十司空變斜絡羲和駕並馳

蜀錦變

傷素問運
氣之譌也

拂我蜀錦韜太古無塵筆珍我象齒籤不混甲與
乙天門蕩蕩馳客車王冰剔燭著偽書

飛魚變

傷擬樂府者
不知宗旨也

石不學言魚不學飛豈無石言其言者機豈無飛
魚其飛者稀故夏非古夏秋非古秋冬非古冬春
非古春日躔已在箕三度抵掌衣冠作漢人

寶鏡變

傷七十二歲差之法不傳於世也

我有寶鏡一開闢元年作赤緯歷災限白月千春
落東海昨揚塵光芒霧中躍背旋龍馬圖恠篆垂
蛟脚摩挲不自置神寶將誰託

握籌變

傷太乙圖式之訛也

握籌炯炯秋燈綠七十二峰排碧玉水精遷入羽
林宮共筭唐虞古天局

畫樹變

傷六詩不講也

畫樹石者四面取之古風拂千春不可網與縻驅
車至北邙古塚草離離死者日夜繁杉松動人悲
死者不足悲哀哉生人冥漠泉下期君看章句客
魂魄空爾為

採茶變

傷六書失傳也

採茶祭羽學書宗許羽出茶經萬古醒說文鍾鼎
字不靈小兒覓梨栗耳畏霹靂飛秋登落鴈峰同
遊應復稀我罪許氏兮俗學譏蒼蒼四海兮行安
歸

博山變

傷非煙香法自昔無聞
使香草不早見於時也

非煙香鍊杉風涼自有天地無此香却疑銀釜是
丹鼎園中露葉皆飛翔祗今芳草怨遲暮冷落千

秋空野塘

右九變鷓鴣生傷心俗學長歌當
哭曰變者所謂正言之不足也

雨登靈巖山

雲瀾浩浩白不可掃抱樹長歎愁令人老借無琴
臺疑海中島

重至靈巖呈夫山和尚

空山洗鉢畢生期吟骨清羸託護持本草入禪才
是藥辦香出袖併緣詩宗生病恨爐峰別杜子心

悲布襪遲家世漁村慣簞笠穿雲多是雨來時

遊仙詩

浮雲西北來中含萬古愁試逐秋鴻飛聊爲天上
遊俯視雲茫茫聲作江濤流道逢駕鶴賓與子結
綢繆塵埃不足道學易願深謀震圖及卦律墜地
千春秋安得發仙藻紅日炤齊州

山行

落日射背木葉滑橫挑拄杖懸詩囊海天二月發

秋翠野廟斷烟生古香洞口楓樹根可坐山腰亭
子名難忘垂藤松鼠孤僻纔遇遊人竄道傍

石馬烟謠

傷烟滿
江南也

何處飛觴來醉落櫻桃前摩眼指東村新來石馬
烟

花落過千春不識名烟香嗟哉古江南何以爲樂
方

繭紙裏絲烟並坐採茶舟漁村乞柳火翠管笑相
酬

讀列子

列子湯問篇放言滅輪郭殷帝三寶劍虛空恣揮
霍含光視無見經物不能著承影竊有聲淡淡物
冥漠宵練見夜光驕然開脉絡隨過復隨合覺疾
刃不赤急承第一句天秋海濤躍勿墮二與三電
尾空閃鑠所以玄要旨古人喻韜略此義如白日

箋註垂雲幕文拘丘邴章報讐煩卜度來丹彼厭
我波瀾轉加縛張湛留音義夜象煩手摸林言厭
勝術神異謬驚愕

懊惱歌

姊是大司命攝我神飛翔姊是龍雀刀寸寸斷人
腸騎石鶴心蒼黃打瓦鼓聲不揚遠夢不到秋漏
長江南江北天茫茫

從軍行

迎寒製戰袍九月邊霜酷染成五色絲晨繡承紅
旭當宵結麒麟雙袖飛黃鵠黃鵠萬里心麟閣勳
名錄莫以紅顏故雄圖自拘束不惜繡芙蓉誠恐
攢心曲

昭君詞

雁落天南第幾關胡霜秋冷響刀鏗愁中怨殺秦
皇帝翻築長城隔漢山

王孫遊

綠樹遍江南歌樓應未覺憑誰玉觴前一唱江南
樂

續子夜歌

催買紅綠絲繡得乘鸞女妬他冰雪顏郎求儂未
許

霜月聽驕嘶是歡新買馬馬底得歡心秋風忍儂
捨

秋胡行

豐草詩集
日晏畏蠶饑使君空爾爲行行望烟舍戚戚樵徑
遲上堂殘日射側館闢羅幃蠶生綠桑落春至庭
草悲夫子執英操明月永心期何以諒高素繰成
白雪絲道遠不可贈王事日以縻豈若狂夫薄黃
金桑下持

秋胡行俱作决絕語余獨述採桑歸路之詞或小補情事

有所思

我所思乃在明珠之浦翡翠之枝桐花鳳小嶺烟
綠茉莉風寒香雨遲製笛栽修竹絃琴買素絲良

人倘惜別萬里候光儀入門下馬拂離淚賤妾先
歌三豔詞中婦吹楊柳小婦唱將雛大婦獨無事
看山淡拭眉問妾何爲爾相憐匪自私

放遊

胸中那可著南北千古遊人失遊法卧遊道人自
開闢船頭鎮日帆竿插雲脚東斜風勢高吹落靈
巖花岸狹山花滿種黃磁斗歸路江濤賴渠壓

住菴

豐草春詩集
得與遠山對何愁伴藥鐺郭公聽鳥語諸葛記花
名寺近通晨梵漁親學放生石墻圍竹短烏帽露
人行

池角幽棲處水聲圍竹房紙依蘋色染笋刻杖痕
量密諦叅龍樹文欄護佛桑行時書一卷回授小
童將

濃藍苔路匝砌石學溪水髮落初縫衲詩寒早類
僧說將聽雨法傳得看雲燈應榜隔凡字松南水

一層

病中喜西溪客至

擣藥聲應戶外聞相逢訴病不須勤語因乍到端
頻改鬢憶前來白數分舊社有誰同品水新題曾
否擬從軍松根細與閑人說明日高帆隔浦雲

憶張非翁

歌勿歌行路難愁勿愁芒屨穿包腰浪跡自愉快
兒女不如山水賢對面吞聲那可語蜀道不在西

南天吳中高士張夫子睽離十載情纏綿借書不
惜手鈔本問疾兼憂買藥錢往時寄贈兩吟軸古
松流水同澄鮮一人知我死無恨且研秋雨終殘
年

暮春讀後村落梅詩因賦一律

撲地寒香動客悲茫茫愁緒不勝思江天釣雪維
舟處村市收燈踏蘚時碧水那留前日影瘦驢別
續看花詩誰圖遲暮飄零樣白月三更只自知

秦吉了

用林霽山韻

前身讀忠經那忍習蠻語自謚曰漢禽結心報貧
主死共鷓鴣魂雙飛哭秋水

蛺蝶花

暖日雙飛野草籬滕王圖樣未珍奇白團扇子輕
相撲都恐青蛾作意癡

續夢中句

長柳書難讀憑誰問夢因遙天驚去客缺月慟詩

人二語得積水雲終改時立春後十四日也揚塵海未真石

橋垂老訪應悟句中身

咏古劍限韻

古淚濕銅花風雨夜聞叱收歛百世愁床頭伴吟
筆中有俠士魂燈前呼欲出

曉坐

春夜不曾永空齋減睡思遠雞殘杵隔短燭曉風
吹愁至書頻卷寒添幕再垂石欄栽藥未吟客正

清羸

池上

只欠玄真艇子拏灘排釣石插竿斜紅魚陣散穿
人影碧藻絲浮漾墨花一幅水村開別墅四窻烟
樹簇浮家江鄉聽過杏枝雨隔岸雙樵話採茶

與人論詩

耆舊謝臯羽西臺留哭聲打碎竹如意長慟天爲
傾豈其吞聲時先辨宮徵名無端一慟哭千載聽

深情

看園丁理菊

斷雲飛水村去作卞山雨開門值漁唱春潭緩歸
櫓筠籤閱菊名秀族欺前譜園瓦插新苗莫遣秋
無主

次韻荅姚文初

高賢揮塵未親逢愁對樓西數點峰舊學晚周卑
白馬新圖出震表蒼龍

余著易發定
出震全圖

蘋洲花落風

前艇漁浦春深病後容肯結烟波人外約筆牀茶
竈定追踪

咏懷用韻三首

瀟湘那復故人逢深住茅菴當碧峰高柳亂蟬看
飲犢孤村微雨話分龍箒呼灌藥人牢縛屋筭藏
書架劣容帖展蘭亭倍惆悵昭陵繭紙斷遺踪
方瞳綠髮夢中逢倦客心飛島外峰池借硯名稱
墨海鹿依仙籍喚斑龍南村松植鱗全老北渚軒

開膝暫容婚嫁繇來誤人事碧天鴻鵠有高踪

半壁殘書鎮日逢故交知隔幾青峰三章茶約頒

銀鹿一曲花籬蕙籜龍睡如苦茗回來味病類秋

山雨夜容杯酒本疎名已置漫憑僧史寄孤踪

寄西溪授經客

一園綠雨四時秋縱有吟情孰唱酬花落年年思

作客愁繁日日悔登樓懷人步遶冬青樹得句筒

隨春水流欲約松陰共殘日高僧詩卷喜新收時新

購皎然詩

非烟頌

自製香屑名非烟詳非烟香法

檀花細細松針柔杉子青磊落之蘋洲香之來輕

風流是耶非耶硯山寂寞不敢收渺然坐我秋江

舟白石青楓盡意遊

水際芙蓉

宜水亦宜秋品日艷而冷應惱玉顏人畏亂晨粧

影

咏古錢

紀年何代號簡史益嗟吁字晦埋層綠輪銷滅舊
銖除病隨藥杵壓勝伴桃符借問垂簾客成神事
有無

題畫

山迴秋櫓長夕風揚老髮浦口堯時雲松梢漢家
月

紫牡丹

陸家新譜色絲辭繪出朝天別種奇捧硯吟時爭
石彩揚鞭飛處並騶馳綺裘倚醉唐供奉豔妓呼
名杜牧之用紫綺裘紫雲妓二事一段落霞誰擬得綠珠碧
玉浪題詩

吳興漁人教子謠

洞庭龍挂陣雲起阿二濁音讀修曾壓船尾老鯉吹
濤菱葉翻水廟簫聲祭山鬼大兒倒挈魚籃來蘸

水畫字雙眉開字成上大八與九漁父怒叱聲轟
雷試問何從授點畫賣魚因學書堂孩兒乎朝釣
笠卸弁峰之下暮醉落霞碧浪無價西船伯翁大
莽鹵為覓女婿字滿肚我惜阿因不肯許念書識
字尚自可富貴辱人我忍汝

空同自序其詩謂真詩乃在民間此言殊
有意漁父不許大兒識上大人因及
伯翁莽鹵珍重釣船甥館亦大風致

夢華潭雜事

夢華徑仄足蓬蒿帶髮僧披百衲袍醫說秋濤權

發藥客談山鬼補詩騷一篇成佛題黃鶴千首封
侯賣寶刀怕雜江南古風土園中藤架廢葡萄

樵兒呈史測因示

愁卧溪村心事違江南風雅古音微經傷漢代儒
林變詩斥唐人應制非印寶西清垂史學船撐白
石補荷衣

二事並
述家乘

松風不改余身後家祭還來看

釣磯

懺聽雨

海靈夜渡茗花浦踏破吳雲漏春雨采桑謠咽小
姑聲西嶺茶旗不曾吐雙扉長閉魚鱗天詩癖狂
題聽雨箋悔來合爪蓮花前石鑪飛出瀟湘烟

掃石吟

命短蒼天長雞鳴海月西無營恣遠賞繇來物理
齊木葉下秋綠雁天雲滿谿勞勞掃山石無乃風
塵稽

夢華潭謠

鷓鴣生貧而嗜書一日遇南宋舊本紙墨
既繁還書長慟故託為書賈愁望之聲

夢華潭口石齒齒枯柳身歌拜秋水夢華潭泊鬻
書舟客望殘陽立柁樓立柁樓見書屋菊籬中人
抱書哭

雨謠

前水及後水同背青天馳前雨及後雨滴石不相
知并刀割水水不離石痕刻雨徒傷悲

鳩喚雨

豐草齋詩集
鳩喚雨鳩喚雨莫向西飛向南浦南浦垂楊鵲新
乳西村女兒採桑苦採桑苦人打汝

追記靈巖禪堂事

疎瓦漏丹楓滿堂秋瑟瑟霜冷戀跣趺香消捲簾
出雞聲白雲底山市夜中失烟霽閃燈痕秋湖指
漁窟

病中聞煎茶聲

遊目秋山圖瀑布瀉無響飛濤出茶鑪一段江湖

想會當廢高眠漁路浮烟槩敲火碧蘆叢品水蘋
花上

同竟孚傷持訥翁

還將阮籍窮途淚滴向故人西雨殘註畢難經余
作序子孫留當祭文看

述愁

三更抱愁坐卷盡不肯曙淒風吹白拂開門送愁
去

日出南溪東愁在雞聲中日高喧野渡愁在梧桐
樹

感懷

鷓鴣十載閱風霜難問當年結客場妄想延齡栽

白木

時友人從山中寄白木至種西藥欄

傷心厄閨撫黃楊幾時合

社聽蓮漏若箇分貲構草堂南史床頭堆一角六

朝如夢雨茫茫

鼠損璇璣卦圖客為余補之是日大雨

且停劾鼠廢言詮碧紙新裁綴薛錢海內未焚焦

氏易眼前小補管中天犯到鈎陳彼敢爾忍將宣

夜共無傳莫愁大漏同西蜀

蜀有大漏天小漏天

便挽星河

復舊躔

與友人雜論律曆聲詩時友人有種菊新咏

因用其韻

詞塲蕪沒亂烟叢風雅誰開草昧中繁露祗憂家

學墜長楊多悔少時工菊緣地隔譜新舊人有歲

差詩異同留取南村記幽事他年喚作種花翁

再和

村村社鼓響神叢半掩筠扉細雨中水經閑讀採
茶候月令新添剪菊工朝暮異占徵六典屯蒙不
悟負參同誰將易發西南去問取峨眉賣醬翁

事見

蜀志

讀書曉寒樓上

崎嶇待來哲秋淚硯中滴飛盡瀟湘雲葉脫四山

寂古人不著書當年空戚戚懸心百世下朽骨求

良覲

村居述

五岳聊遊水墨屏江陵老去戶長扃松風午觸茶
烟逆蘋葉秋粘釣艇青耆舊集中看故國田家識
裏證殘經賣花人到話新事除却看山總厭聽

秋齋獨坐喜友人忽至

遮壁黃茅亭石田畧珍跡畫中人看瀑霞落半山

豐草齋詩集
赤無言在相對緒若秋烟積忽聆屐齒音雙扉啟
松隙

示樵兒病中

不嫌類我瘦崢嶸
祗莫呻吟損遠情
花信有風編野曆
書程積葉記秋更
細叅新夢權
趺坐閒品晴雲試
緩行病是傳家箴
一字藥爐烟畔定
詩評

縛箒

生隔庾元規
閑居塵慮損
松退古時鱗
蕉徙南天

本山家亦勞瘁及此霜葉晚
隔竹杵丁東還將茶臼忖

讀友人近集

跋扈風塵中
突兀開秋嶽
玉露集辭林
塵尾秋筵捉叅空
鬱禪藻搜玄
補仙學古來
放言人濁世
完其璞

九月朔未兒呈吟課

落翠又霜候
詩心應轉竒
記將楓路冷
採取雁聲

悲秋領四時勝寒爲一字師汝兄吟骨就卧疾長

清羸 時樵兒病甚

落日

斷靄橫烟樹數株家藏舊有水村圖高人筆意眼

前景不語下樓開畫厨

夢侯幾道

夢踏老沙石路出枯柳腹秋松新塚青丙舍相持

哭舊習墮浮名情話仍泗漉才鬼泣江楓霜魂繞

書麓

重九竟孚別去約冬盡相見先期而至驚喜

有作

吟卷壓長袖行衝枯葉陣乍訝雁來遲翻嫌潮有

信

非翁擬遷溲上詩以促之

茗溪古寓公詩筆例高秀先生冰雪文翠與晴峰

鬪杯擎西塢茶花種秋籬豆余將覓漁路敲門問

豐直者言集
奇籀

荅吳門金孝章

歷落長歌賚草菴十年疎野話堪慙
盡厨六月抽松雪樹影三更踏石楠
短髮免吹黃葉帽文犀未賣辟邪簪
他時雨笠尋君去浪跡吳閭書自擔

南村秋鬼謠

妖狐拜月霜花青髑髏騎馬空中行
秋魂吹作塔鈴語叫斷東流一溪水
鬼車曉喚精靈去綠燈移

過江楓樹

少時遇海上楊材官說邊事歷歷甲午秋與

竟孚試茗憶一二事

雁天鬱律邊雲走竿亞神旛圖北斗帳門滿地簇
霜花直北風吹寶刀口

述與西溪客語

昨夜立藤陰莽向鬼神說誓因訪梅花永與家人
別函經老山寺石鼎焚松屑殘山并剝水觸眼盡

豐草者言集
嗚咽閉目萬峰頭一任飛雲滅古來英雄人不惜
頸中血苟非爲情死那忍相決裂所以離騷經哀
艷多急節千秋婉變情謬道心如鍊爲君述鬼言
老淚不能竭

閒居

異書來眼底乍若故人逢香品賞沈水藤名愛忍
冬貪吟催染紙畏客廢敲鐘無事坐新雨西峰綠
倍濃

霜曉拈三韻課兒爲唱一首

老樹結霜文風西曉雲退秋閒督曝書簷際雙童
對愁咏意茫然悵望秋鴻背

疊前韻示樵兒

雲鱗逐霽生樹綠經秋退詩苑尚窮愁寒無東野
對閑定搗香方夾註魚經背

又疊前韻示耒兒

名溪定是愚住谷還稱退圖開山海心夢愜仙靈

對漁社足雲烟秋櫓菊花背

甲午冬日兒輩集豐草菴演四聲葉子得登

字

曉寒開北牖

曉寒樓名

風厲不可登南簷集稚子寒髮

垂鬢鬢墻隅曬新穀屋角露霜鬢韻牌出秘笈玉

葉剪霜綾團樂演清賞得失互降升角勝鼓朝氣

捷闢秋天鷹羸似飛嶺陟輪若歆岸崩松籌列左

右童子司勸懲有時誤平側十五錯除乘忘衝及

失贈

衝贈俱牌例名

語笑喧相矜我是鈍狀元百事拙不

能韻牌消短日還共踏溪水

復用前韻

隱侯築詩壘繁響不敢登靈均秘未覩俗學空鬢

鬢形聲廣音字不厭網與曾四韻刻楮葉錦籤包

鶴綾如彼選佛圖九品詫道升亦如古開士戲養

馬與鷹草蟲分甲乙署額秋雲崩細韻鏤塵沙筆

重輒自懲

韻牌繪草木蟲魚分四部牌額署大字其下分列韻文字極細

成佛許

靈運從來卑小乘空堂響竒句掉首吟自矜生難
斷文字兀兀效南能肯容點易硯牢結一池水

兒輩重集豐草菴

昨日困吟後新歌定懶諧緩攻五字壘只闢四聲
牌漁給蒸香火禽啣試茗柴紙窻團野話真箇隱
能借

咏四聲葉子分得廿六宥

山海榻前圖爾雅披新繡草木及蟲魚珍禽復神

獸詩催席上聯聲沿江左舊年少踏詞場結客紛
馳驟往昔閱輸贏人間幾翻覆不如茅簷底韻葉
看兒闔

夜坐聞空中環珮聲

往
冷露濕松鱗天秋佩環響疑是董雙成騎鸞自來

甲午冬復擬遠遊

清泉石鉢夢中寺細雨斜風江上村弟子幾人工

豐草不計集
作賦莫將哀怨寫招魂

雪山咏

蜀道青天不可攀
流沙垂涕玉門關
兒童不道崎嶇苦
開壘簷前雪假山

莫履冰

傷履冰群
兒水死也

莫履冰雲消日出履不勝
蜀道天高猶可凌
男兒不踏冰山層
甲午歲寒月建丑
斧冰朝汲聲登登

吳興昔號水晶國
歷落霜崖今有徵
鶴窠灣口村夫子
感縮書聲如凍蠅
硯枯筆秃學堂散
風前短髮吹鬢鬢
出門死賭凌波戲
對岸漁家空撫膺
天吳紫鳳杳何處
竹馬鳩車見不能
莫履冰莫履冰
十七小兒同日死
化作風霜炤夜燈

豐草菴詩集目錄

臨蘭亭編

臨蘭亭 題趙王孫古松圖 蟾子墜 戰

城南 戰城南古辭翼 姊妹花 五月菊

飛仙國 題畫蘭 三首 九巫釋 題張文

通先生古今經傳序略 賣兒行 舟居遙

和石樹上人 伏日示樵耒 紙畫 夢鄉

散 秦良玉詞 西溪客過期不至 迎涼

浩歌 述志詩 款乃曲 秋怨 和玄真

漁父詞 麗京賣藥謠 悲落葉 雁字

竹馬謠 莫愁變 子夜變 採蓮變 四

蟲語 弔古檜和張非翁 水仙花 築石

塘 罷市歌 馬雙角 樂府叅同契 雨

言 反公無渡河 李夫人後歌

豐草菴詩集

臨蘭亭編

吳興董 說若雨著

乙未

臨蘭亭

傷俗學詩
文曲擬也

臨蘭亭古人骨已朽魂魄飛揚上天千秋萬歲人
生不愉樂自雄當須何年南山有鳥與雲俱來銜
雲西歸來投我懷為我謂鳥兔絲不可以衣飛雲
不可以裁在昔起居郎褚遂良撫之縱放天筆良

拜稽首欽承天王臣不敢陷繩墨胡今之人角巾
楓牕摹古自惑永和九年歲在癸丑暮春之初後
之視今亦猶今之視昔悲夫蘭亭繭紙入昭陵吁
嗟乎蘭亭 永和九年二十四字余所
謂借婆帔子拜婆年也
題趙王孫古松圖
王孫畫松天下無王孫奈此秋山何白石語青松
從今已往勿復偃蹇青雲枝枝高葉布中圖畫松
乎奈此王孫何

蟾子墜

蟾子吐秋絲墜我朝牕東晨風堤上來蟾子瑟縮
從風摧從風摧泣向滄浪之天怨飄風怨飄風銜
絲屈曲子口中

戰城南

戰城南日西落百重黃雲象城郭咄嗟飛騎何來
中軍擊鼓旗門開翡翠裝弓玉爲矢人非沙石有
情相携戰場死人非矯翮飛鴻亦復何能違寒惜

死謀身辛苦飛秋江男兒墮地弧矢射天地四方
 我甲冑護我我馬負我我都護撫我男兒不早塗
 地肝腦結髮持弓瘠死行伍中忽忽日戴滄浪之
 天下踐黃土男兒當少壯青絲絡馬生挾名王莫
 迫年命衰白日一去無時迴

二月細雨中定戰城南經緯音數日兒輩

學六朝韻語遂命用齊梁體擬戰城南余因言擬古有二一擬古樂府題如六朝人作朱鷺芳樹五言古體是也一擬古樂府音調寫其鏗鏘之節是也吾儕欲操筆擬古樂府得風雅不墜自當遠想慨然望見古人情寄不當徒擬其音節鏗鏘且音亦未易擬也儵父擬古樂府割裂鼓吹補綴清商

正如王孫著假面舞市中自謂拍拍應令兒童婦女大笑之兒輩詩成未兒偶吟唐人軍敗鼓聲死之句樵兒云詩歸稱死字甚且疏句下余言死字自佳竟陵著語朽腐而杜撰非古人意余因復拈死字令各呈句見所長油燈淺仄視兒輩詩都不得佳余口占一絕旗紅鬪落霞甲麗明秋水馬上馬響刀環輕軀為君死顧樵兒筆記之是夕餘情纏綿枕上復作戰城南一篇擬古意也往予錄古山水書畫方外之文自題曰嶺雲集謂只可自怡悅耳異日擬古樂府積數十篇當別為一卷移嶺雲之名

戰城南古辭翼

戰城南死郭北飛鳥鳴風邊草白仰視飛鳥余心

切切無憎余言勞勞戰場無弔客邊風蕭條落日
 如血汝且集枯柳之脇悲號烏乎戰場茫茫生居
 無堂戰場沙裂死墓無穴君不見截石之水埋樹
 之雪戰場之骨不易白泣弔須臾為君食立望河
 無梁欲渡河無船非河無梁客死戰場非河無船
 客死不還江南野田多悲風稻梁滿野愁飛鴻願
 君加餐億萬年非君之故軀誰捐
右演戰城南古辭取疏本義不繁枝葉蓋注之用韻者耳若曰擬古耻同儕父○滄溟集中戰城南曲首云戰城南走城北轉鬪不

利號路側號路側三字有十丈塵次云謂我臬騎
 且行出攻寧為野烏食不逐駑馬徘徊蒲葦中語
 惡至是風雅墜地矣又云水深黝黝蒲葦驚驚磨
 土朱臨上大人亦未得在又云烏亦不自去客亦
 自不豪無端無端梁以集烏子五烏母六禾黍不
 食攫腐肉願為忠臣何可覆禾黍七字直是死語
 傷子良臣良臣誠可傷遠道之人枯骨何墓此一
 十七字讀之令人代慚因憶戰城南古辭梁築室
 何以南梁何北禾黍不獲君何食願為忠臣安可
 得此一節言橋梁之上築室相通則亦何南北之
 有蓋前言戰城南死郭北繼陳水深杳杳蒲葦冥
 冥故為橋梁通濟之語言城南郭北道路可無阻
 艱而客已死矣復代客為死不忘君之思言我死
 郭北而不得歸則誰獲禾黍以供君食願盡瘁獻
 畝而不可得矣下云思子良臣詩人
 思死客之良也于鱗應未證此義

姊妹花

昭陽艷骨憶前生
雙笑春風共目成
搜得杜陵詩
藁子水邊三月麗人行

五月菊

江南五月淡如秋
籬脚風疎菊藥柔
喚作辟邪添
舊譜錯教銷夏動
新愁盡開紅樹景
相借笛落梅
花調足酬白髮心
驚霜鴈候田園從此剪除休

飛仙國

樵兒夢至飛

仙國甚奇

國號飛仙列水堂
台烟蓄翠晚山長
曼卿米老應
尋着相近芙蓉與眾香

傳家夢癖定仙緣
此日重翻徵夢篇

余癸未歲刻
徵夢篇一幅

世間真有飛仙國
與汝同撐載月船

題畫蘭

三首

涼雨四牕靜懷人
水一方墨花浮古綠
冰雪動寒香
寫此當秋佩瀟湘
託意長

空山太古泉千歲無人汲寄書與江湖所慕甘幽
集人生狎車馬風柳難自立應知畫蘭人懷香秋
淚濕

虞美人曲傳吳聲虞美人草如有情紅牙乍按美
人曲美人草動春風生鍾情最苦知音少予將製
清商一曲搖蘭草

九巫釋

巫更屯蒙朝暮改巫咸降宿辰所在式爲正卦日

象海正表法程爲卦宰目定形儀露文彩巫易旌
旗變軍壘兩兩相比巫比解比兼正變貞與悔巫
祠神教龍爲楷飛龍所宮神雨灑巫參終始參相
待是謂參伍聯未亥巫環策卦環磊磊天地三環
測源委春官九巫人未知書付樵兒與耒兒

題張文通先生古今經傳序略

讀序略者聽之某世某年月日慎勿疾馳章句加
深思始皇帝三十四年制可丞相斯非醫藥卜筮

豐草齋詩集
種樹之書皆燒之皆燒之六經不絕如絲故漢有
京房故吳有虞翻故熙寧已酉孟冬望日文同有
黃氏易圖後題故淳熙四年丁酉冬十月戊子序
詩集傳新安朱熹春秋善惡並書聖如天覆無是
非翁作序略師仲尼異同森列人自知敬識時日
寓所悲

賣兒行

大兒十五勝犁目雙瞽中男九歲西牧豕惜此抱

中孤兒有過長者教言慎勿笞苦孤兒聞之垂涕
如雨阿母携兒出門行行前至龍祠吹洞簫打鼓
柰何慘毒捨兒謂他人父母亂曰孤兒低頭觸屏
風坐睡昏昏阿母持米出門探懷中米乞與傍舍
爲兒市洞庭霜橘纍纍煩卿相勸孤兒莫啼悲度
石梁踏青莎行一二里涕泣復來不惜袖中三錢

更爲孤兒置一摩睺羅

摩睺羅泥孩兒也見武林舊書

舟居遙和石樹上人

一任人猜米老舟莫教藤杖閣船頭筆從白鷺飛
時點畫向青山影裏收小住不嫌尋釣侶移家明
日換蘋洲卧遊寂寂終輸與落葉吟寒客未酬
蓬窻挂幅小瞿曇柳岸焚香伴石函僧史他年添
浪跡黃茅昔日悔營菴眼中天下名山五夢裏廬
峰笑客三身在雲烟誰得並雒陽休復記伽藍

伏日示樵耒

文章墜地三千年孔門言詩不多許始知久矣詩

無傳長聲三轉玉衡喪無射黃鍾誰正偏龜茲七
調到中國四十二字開華嚴分司喉舌強宮羽那
知問字滄浪天昔表文音歲在酉輟筆亂離書未
全叅同樂府漫銷夏扶起六詩秦漢前世間擬古
愚可憫妃呼豨與留離蘭元聲寥寥在天地少陵
昌黎寧棄捐西涯述史亦清絕唱歎餘音殊不然
言前脫落竟誰是携汝長嘯吳山巔

紙盡

咄咄書空日又曛鸞箋十樣有誰分
妬他韋偃雙松絹泥殺羊欣
數幅裙魚網悶翻東漢史密香長
望海南雲三都覆醬從教免且擬
王家腹藁文老悔雕蟲慕太玄
江南紙貴稱愁眠百篇斗酒當年
事尺素相思三歲前没字秦碑聊
記錄無文宗旨任流傳西偏擬割
栽松地多種甘蕉學綠天

夢鄉散

天無黃道斜七十二候春虹長没
蟬不鳴秋人生

百年無夢遊三萬六千日日日如
羈囚王公牧豎定哀樂頭白不敢
輕封侯夢鄉有仙人雲中十二樓
紅顏如海霞同唱白榆秋夢鄉樂
復樂夢史書未休秣我馬脂我車
男兒老踏九州土莫笑婦女懷鄉
間

秦良玉詞

偶讀近人詠女將秦良玉
詩心鄙其辭遂成一絕

追奔一點繡紅旗夜響刀環匹馬
馳製得鏡歌編

豐草春詩集
樂府姓名肯入玉臺詩

西溪客過期不至

往昔刻約言不食此迴遠遊心已貪夜來坐到露
花滴更復望君蓮葉南眼底青天里四五夢中破
棊絃十三 相見擬狂言說
夢故引此二事 荳棚放語自清絕莫待

霜落分黃柑

迎涼浩歌

王孝孫貧不營家有牛一頭使子將車夜共宿車

上歎滄海橫流余生長江南彼露車我有漁舟呼
樵兒共載未兒狡獪汝迎風打槳牧拂吟牋舫繫
茶甌吳越溪山恣意遊

述志詩

有黃野人如羅浮中 黃野人葛稚
川門弟子 有友許邁如王

右軍如張玄真漁童樵青如襄陽龐子慕鹿門樂
而忘死飛神太清歌以言志書為座銘

款乃曲

豐草齋詩集
小兒船頭打秋鳧大兒船尾念漁書老翁平生有
香癖栢子拈炙樹根爐

秋怨

聞道西洋鏡遙光見千里妾拔鳳頭釵買鏡炤湘
水湘水炤君行此鏡還贈與君炤千里妾不惜秋
風死

和玄真漁父詞

曬網雙雙歇柳磯兩家一樣綠蓑衣君奪角我斜

飛隔箇船牕碁共圍

麗京賣藥謠

秋日得陸麗京書
餉余恭壽堂診藉

涼雨吹枯澤涸不能拔擢秋蘭槁麗京賣藥不能
起豐草麗京賣藥三吳豐草抱疾蘋洲翦青松爲
籌落梅爲點閉門偃蹇排河圖爾爲醫恭壽著書
言恠竒我且爲卜不敢曰垂簾于蜀可以療饑不
相見十年十年相思千秋萬歲謂我二人何爲乎

悲落葉

老根爲石高枝碧拂滄浪天風霜無親俾我決絕
曠別萬年當復柰何首夏扶疎朱綠如帷繁華不
自惜往不可追根株日已遠時命悽已晚秋風問
落葉子去何時返

雁字

飄飄莫羨舊銀鈞一幅平沙別樣愁落筆天驚思
華岳回文峰轉記衡州音傳南國秋搔首篆愛凌

雲暮倚樓歲晚瀟湘烟似墨短行黯淡句難酬

竹馬謠

蜀之紙可以爲鳶南山之竹可以爲馬吳興兒衣
白紵小浮圖疊古瓦叱馬馬不行折柳箠苦汝

莫愁變

莫信莫愁名愁是儂所爲莫愁愁復愁儂名儂自
疑

子夜變

豐草春詩集
青青古崖樹負霜立晴月誰疑儂夭矯儂自霜晴
栢

採蓮變

採蓮乏新聲儂唱采蓮變誰將共命鳥譜作西方
豔

四蟲語

蟬語

思邪峰西日墜志士嗟芍藥春風錦障遮

鼠語

卽足卽足卽事消搖人自束雲棲夜半講華嚴講
案長留待誰續

螭螭語

似我似我我誰似似太古太古之古無處所

絡緯語

嗟殺嗟殺殺人誠可嗟烏啄戰骨風揚沙殺人可
嗟出塞入塞鳴絲車

豐草齋詩集
弔古檜和張非翁

空遺鶴骨傲湖濱
忍逐飄搖陌上塵
還倚枯根結
亭子從今野老往來頻

水仙花

尋花艇子忒清憨
拂拂寒香月滿潭
積雪未消漁
路冷肯憐憔悴倚江南

築石塘

築石塘新軍來築塘未畢
府帖催府帖下鄉吏打

門南村竈冷行西村西村十家無一存
破屋無門
僅梁柱傳道新軍三日屯吏索空村
遇樵父樵父
言卿報府主五月不打插秧鼓
眼中良田半荒土
築塘攝役添冤苦君莫苦君不見塘岸
油衣點簿
書朝朝狼藉黃梅雨

罷市歌

罷市罷市新軍西至新軍至齊
立馬哥入酒家彼
高樓著我

豐草春言集
將入門下馬紅兜掛壁刀掛戶我饑先陳酒脯兒
善飼我馬

馬雙角

馬雙角樹生粟鄉里有船官帖捉嗟哉民愚嗟哉
爾民一何愚不見江防刻日造戰艦幾家墓栢留

古株

樂府叅同契

奎壁角軫天地門戶五運之鎮化於辰巳開聲爲

春發時爲徵至於成均形而下矣故句第二音端
律止短長入攝笙鐘是倚

雨言

巧曆日握籌雨點不可筭鄰雞鼓翅鳴愁魂去難
喚蒼茫三十餘憂患蝕其半夢作天台僧秋苔月
中踐癡逐瀟湘烟南望青無岸嗟哉復嗟哉長夜
何時旦

反公無渡河

為亡友玄趾也亦曰祭王子之樂章北兵
至玄趾死玄趾將墜於江致書念臺劉先
生日門生已得死所
矣書至先生亦自決

牘曰門生已得死所師當復奈何劉夫子發書慨
然王郎死而念我公無渡河公竟渡河天行之馬
必有帶劍之魚儒衣剋南嚮再拜稽首會稽弟子
員臣毓著二祖列宗先皇陛下當復奈何哀痛柰
何再拜稽首下土章句臣著皇天后土鑒之臣著
水死渡河而死當奈公何嗟今之人孰不戴青天

高履黃土

李夫人後歌

魂歸帷開悲歌徘徊靈念予其復來

豐草菴詩集目錄

雒陽編

雒陽花 諸葛菜 雁來紅 翠雲草 夜

落金錢曲 望江南草 鳳仙曲 曼陀羅

鳳尾草 二郎廟 百花王 蘆王述

草鞋郎 廣利謠 織女祠 韋蘓州 插

花李 花馬翁 河西傭 補鍋匠 東湖

樵 雲門僧 華清招 殿下樹 海上牧

羝曲 新豐曲 閻闔開 太古暑 欵九

地 夢鄉樂 磨堯堅 剪紙錢 孟蘭招

魂詞 雒陽秋 打葉子 立部伎 胡旋

舞 反行路難 周宣靈王詞 夢遊仙清

角引

豐草菴詩集

雒陽編

吳興董 說若雨著

雒陽花

乙未

宮門銅駝在荆棘雒陽新鬼傷春泣白月悲笳聽
不得斷腸忍續麗人行空見麝香眠石竹魂隨楚
雨夢江南羅衣夜繡春纖纖

諸葛菜

玉壘愁雲鶻血紫花落幾迴桐鳳死惠陵草沒石

麒麟昭烈陵各惠陵八陣圖空咽江水蕪菁一握雁門秋

葛山打鼓祠武侯

雁來紅

玉關榆老飛秦月炤出千年戰場骨一聲海雁裂
秋峰不管倚樓人白髮霜花夜染珊瑚雲清商重
奏江南春

翠雲草

翠華六月新歌凱鹵薄南行祭南海韶石峰頭一

片雲江北江南青藹藹鏡歌空唱上之回三十六
宮秋笛哀

夜落金錢曲

溪雨急柳絲垂出門惘惘何之歸來入門振衣還

視餅中有粟錦囊中有詩一解餅中有粟囊有詩

吏夜打門催租黯然銷魂不見顏清臣舉家食粥

數月罄乏啼飢乞米真帖世寶之二解世寶之思

古貧士貧士誠可思夜涼獨立露下沾衣誰忽金

豐草者詩集
錢擲地爲錢乎錢乎是耶非

三解

望江南草

桐風吹夢飛秋海仰視白榆低可採桃花鞋踏瀟
湘雲倒影蓬山石磊磊蟬聲截斷荔枝天石闌索
索黃金錢

鳳仙曲

天孫祠罷敲花急小娥惜花秋淚滴紅樓聲亂擣
衣砧守宮夜減珊瑚色狡獪麻姑鳥爪紅幻出丹

砂指掌中

曼陀羅

摩多樓子歌聲歇

摩多樓子古塞上曲

拈起優曇人不識慈

氏遙棲兜率宮可憐雞足山中客眼中香雨曼陀
羅誰能結束舞天魔

鳳尾草

四座莫喧聽鳳凰語不見儂五色文章愛儂翠尾

自雒陽花至鳳尾

草九首爲草九歌

二郎廟

刺俗淫也故為期所歡之辭猶園言吳葑門內水起小洲土人立二郎神廟祭用白雞吳城輕薄少年結伴狂遊闌入珠翠叢中相隨拜起神了不異也

白雞清酒往祠灌口孃行在前笑儂逐後

儂逐後行孃行在前二郎昭鑒雙心萬年

二郎醉止雙拜奉觴與子並坐涼堂水牕

百花王

蘇州府治卽春申所造相傳為桃夏宮是也舊志郡圃地甚廣前臨池光亭後抵齊

雲樓唐時木蘭堂在祠圃之西圃中有土地神祠號曰百花大王宋淳熙中韓彥古欲毀不果嘉定中重建今雖廢而民間尚有祠百花大王者

圃通齊雲接池光西日照耀木蘭堂芳樹司命百

花王招魂續魄千和香鬱金蘇合調都梁袞除邪

穢年命長

蘆王述

譏承虛聲也一曰破蘆王詞

仁宗朝緹騎千侯孫表奉使琉球道白石磯秋風

蘆荻滿洲指一鉅蘆拔類無儔可稱蘆王

一解 伐

鼓舟行蘆乃自王雲帆高張長男剪紙作錢髯奴

揮霍屠猪羊

二解

海上人依洲結廟黑螭抱棟魚

鱗堂孫侯畢使來歸茲我昔日戲言入門大笑神

茫茫

三解

憶昔嵩山破竈墮聖從何合靈何繇憶

昔嵩山破竈墮聖從何合靈何繇

四解

蘆王一朝

失宮殿侍衛去棲蜃樓不見石幢海雲長流

五解

草鞋郎

杭有草鞋三郎廟伍伯之屬家祭戶享

百年如客敬奉君芒屨一兩大夢若脫

咄咄伍伯男兒不自閱歷冬春胡為惻惻自煎迫

寄聲三郎贈余青鞋雲門若耶

廣利謠

風也廣利王廟香火盛於嶺南廟中積貯刻契借人如世間子母錢

廣利王雖明神仁不及孟嘗君孟嘗家有馮驩廣

利會計子錢

織女祠

崑山縣東三十六里有黃姑渡渡口有祠
曰黃姑廟今隸嘉定昔有牽牛織女二星
降神其地織女以金釵劃水水溢俗遂稱
百沸河立廟水上每歲七月七日士女盛
集賽神乞巧各施繡鞵錦囊鞞悅流蘇
之屬先拂神額後掛帳前纍纍不絕

織女廟前秋渡涼竹枝一聲人斷腸畫船窈窕珠
翠香柳風吹帶蛾眉長紅玉闌干壓水堂燭花射
眼珊瑚光流蘇五采雲錦囊女兒針絕嬌無雙繡
成藕渚文鴛鴦鳳帟金鎖鈎杏梁阿姊乞巧儂拜

傍擘香欲言聲半藏喚郎小名私祝郎神靈驅使
思故鄉

韋蘇州

韋刺史應物死為吳神廟在蘇州府學有
士人夜居學之西廡見韋公着大冠絳袍
車騎人馬旌幢繖蓋並從公
祠前大椿樹上冉冉騰空而去

韋蘇州山空無人霜葉滿寶幢雲馬何時返
韋蘇州山情水性詩骨寒安能局促為神官

插花李

常熟致道觀舊有梁朝七檜觀西廊李王廟最靈異昔觀門火發忽見火光中官舫數十蔽空而下篙師水手殆及百餘並挽天河中水以滅烈焰隱隱聞風濤之聲隊仗旌旗繽紛照耀而擁黃蓋著白袍立於舟首者驚是插花李王頃之火息明日視神梁所挂數十小舟苔沾荇漬土偶皆汗李王本長興李烈士也

插花李古觀風秋山葉紫七星檜老風雷痕鶴骨
龍筋神未死插花感激少年場烈士飛揚心不已
觀門騰火朱霞起靈官提劍天門來鬼工闕挽天
河水明日空梁落蘋藻

花馬翁

神賣菱吳閭擔夫爭道而水死也故託為采菱之詩猶園云蘇城花筵中以插花馬公為五郎部下傷官巫祝稱為馬福總管俗呼為馬阿公別置矮席先祭享之匆匆送去然後登歌相傳馬阿公者對門人以賣鮮菱為業每晨擔菱出閭門經過山塘宋相公廟首擇一雙為供暮年與人爭擔不勝登滅渡橋自投於水適宋相公神舟過橋下收帳前驅使吳俗凡互衡市肆者龕事於家以昔嘗為擔夫又名福也

插花馬阿翁聽我采菱歌菱角刺儂心菱殼斷腸

紅

采菱復采蓮儂不識蓮葉呼作碧玉盤

恠風黑雨山塘道左歡携儂去相公廟口

采菱花馬翁雙菱餉相公神舟收部下只念渚菱

紅

自二郎廟至花馬翁為野廟九歌。野廟迎神小巫詞穢暑日閱獵園感雜祀九事歌以紀之

河西傭

河西傭人不識朱夏毒日冬雨雪葛衣一領不肯

脫葛衣雖裂忍與絕新衣雖樂不如我葛葛衣裏

骨死不歸勿葬我棺當風揚灰

補鍋匠

補鍋補鍋天西南一角我以為家為汝補鍋為汝

補鍋酒我食我勿與我錢我無家有錢則那教汝

補鍋教汝補鍋我今蜀人不可不語蜀劍路天高

五丁鑿教汝補鍋教汝補鍋汝慎勿疑補青天者

女媧嗟乎汝慎勿疑補青天者女媧

東湖樵

鷓子飛雲中遙赤鯉魚溪口跳武王據商雒邑南
海神來朝壬午秋新皇帝登極詔下溺死東湖樵

雲門僧

若耶溪賣薪二束吟若耶若耶溪上畫溪沙雲門

寺筆囊茶具隨童子詩成童子低吟爾雲門僧雲

門僧若耶有樵知未曾

同時有若耶樵夫

自河西傭至雲門

僧為建文臣四歌

華清招

巫執神旛作神語要入華清召天子不惜紅巾託

大招遙見聖人雲閣裏偃月堂虛滅華燭死授揚

州大都督

李林甫扶疾從幸華清宮數日增劇巫言一見聖人差減帝欲視之左右諫止

乃勅林甫出於庭中上登降聖閣遙視舉紅巾招
慰之林甫不能與使人代拜於席翌日國忠自蜀

還謁林甫拜於床下林甫垂涕託以後事尋卒贈
太尉揚州大都督余讀李西涯腹中劍一篇為林

甫也腹中劍中自操一日不試中怒號構仇結怨
身焉逃一夜十徙甘為勞生無遺憂死餘恨恨不

作七十二冢藏山均命題既遠古
雅詩亦粗直故更其詞作華清招

殿下樹

殿下樹繞樹翔行其下其下聊可駐右衛將軍上
 獻諛辭異香氤氳色參差止止我思魏徵思魏徵
 言遠佞人佞人之遠誠可思佞人何人卿自知唐
宗嘗止殿下樹愛之右衛將軍宇文士及從而譽
之不已帝正色曰魏徵嘗勸我遠佞人我不知佞
人謂誰意疑是汝今果不謬西涯作譽樹行云莫
愛庭前樹一譽百譽隨向非諫臣言不知佞者誰
不知尚自可不去安用知甘言終幸憐逆耳先防
辱那將君王樹不及太尉足殊似史斷余更其辭
作殿
下樹

海上牧羝曲

海風蕭蕭吹墮節毛牧羝祝羝羝不乳生不願衛
 律見羝可與語

子卿足下聽陵一言汝羝來前汝陵勿言

新豐曲

季乎偃蹇為天子屠販少年安用此鬪雞賣餅蹶
 踟場千秋萬歲魂魄思歸故鄉太上為天子父慘
悽不樂思舊豐屠

販故人此千古曠士懷也西
涯語涉暴露余補其意作此

自華清招至新豐
曲別西涯樂府

閻闔開

一曰祀天神新曲悲下土也為天神俯哀之音

太一下閻闔開雙龍夾車從雲中來悲哉中野崎
嘔秦華嵩衡五點青苔黃河如絲人物死生今古
夫奚為帝告巫陽汝馳下土招魂歸來

太古暑

一曰笙詩

赤日經天毒九野逢逢澤雲曷來蔭我白移過樹

烟耶人耶

歛九地

一曰饗鬼之詩亦曰鼓曲

歛九地僕本恨人竊覽觀五帝三王周秦紀載自
司馬遷次第古史帝王本紀世家列傳年表漢晉
已下文苑墨林是為史例甲子庚申累數十年月
日聚歛章句辭六七行而已悉哀哉勉事地下主
唐虞何在鏡三千年之所逝

自閭闔開至欵九
地為雅聲三歌

夢鄉樂

雲邪青浮山帶匡廬耶彼何摩青霞而馳駕鶴之
賓邪斑龍車邪折瑤華邪近邪遠邪天垂四野翠
無涯誰嗜愁苦思還家

磨兜堅

磨兜堅慎勿言雕龍炙轂聖煩寃帝遣呂政驅除
難白晝夜掃文昌前嶽雲收盡滄海乾燒書已後

一千年諸儒不悟箋註繁孰領太古默思玄

剪紙錢

當薤露歌哀世
死生錢癖也

剪紙錢蹙紙山金作岫嶺銀華山願君金魂玉魄
相隨世世萬年

孟蘭招魂詞

靈風飄幢塔鈴語小玉魂歸立秋渚只言夜踏陽
臺雲蒼茫乍隔青楓雨擁髻來看水燈綠法王正

奏無生曲

· 雒陽秋

庭中瞿麥歷秋餘花晚豔憶樂天秋游詩
何事古今詩句裏不曾說着雒陽秋因用
其意
賦此

孟郊心向龍泉說

東野詩欲識丈夫
心曾將孤劍說

磁斗繁花射

秋髮紅樹青山別樣春壯心不為風霜歇一聲漁
笛水如煙相約看花白雁天

打葉子

葉子格始於唐同昌公主
為葉子戲集今其遺意也

打葉子帝子筵開廣化里

同昌
里名

夜光珠轉琉璃盤

僧祁捧立堂如水同昌第冷寒螿哭南唐金葉誰

編續

南唐宮中有
金葉子格

閨房雅戲墮秋烟空關宋江三

十六

立部伎

唐立部伎絕無性
識者退入雅樂

線髮垂垂動城舞假面崢嶸雕獸耳巧綴毛衣弄

豐草者詩集
獅子秉拂崑崙疾風雨秦王破陣慷慨聲揮戈執
戟銀甲明聖壽字舞十六變寶祚彌昌諛太平立
部伎撼川谷立部不中操雅樂

胡旋舞

天寶間西國所獻樂天微之
並譏旋舞余別其意作此

胡旋舞胡旋舞胡旋舞兮能悟主江湖競注野馬
飄鼓古今天地皆旋舞天寶開元一刹那譜得風
輪獻天子

反行路難

淮南王鍊藥得仙雞鳴天上犬吠雲間東方騎馬
吉雲野遶日三匝暮入關九州小不足步五嶽局
促羞往還男兒拔劍辭家風浩浩勿惜青天劍門
道

周宣靈王詞

傷寃難明也周宣靈王廟在徽州休寧靈
異甚著蘇州寶林寺傍舊亦有祠萬曆辛
丑休寧少年與隣婦通夜半夫至惶急拔
婦銀簪齧之被髮狂叫躍去突入周宣靈

王廟忽失所在明日而銀簪在神髻也神
為無賴所寃昭雪無地遂見形於蘇州寶
林寺中重新廟貌而
休寧禱祠無應矣

泰山松栢相隨而行入於海樓十二層豕翼而飛
結藤為龍耳馳目趨恠恠竒竒謂曾參殺人謂孔
墨奔車

謂日月照下土日有食之謂靈祇執天刑書賞善
災淫周宣靈王鬱鬱陷網羅

夢遊仙清角引

藥珠玉簡紫霞文翠水層池徑問津紅篆一函開
鳥跡高座頑仙讀未真吟碧落悟天根雲表翻書
逐字新人間四部才華儉空廢丹砂研露點千年
城郭幾迴更海塵飛盡秋霞歛
余製此曲用蕤賓
角為摩天之音凡
合二均起清角入南離轉入北方闕調此夢仙之
元聲也不得純用飛揚亦不得純用幽沉高山流
水世未必
無共賞也

